

Kice Manito

Mirici kice tiperimowin kitci mirermoan nitehik irikik ke matisian. Ki pakoserimitin kitci aiamitowaciin, pe kanawapamici, pe witcehici.

Kititaw matisiwin, ni wi otitawin aka kitci marentaman wasko, ote ka moteian meskanaw. Ni wi wapaten e otakocik, ni wi wapaten nitaski kitci mirwacik, kitci manatcitaian kaskina ka ki pe ocitain. Ni mireriten e tacikeian ota kiapatc nitaskik.

Mikwetc Kice Manito e ki miriin kitci onickaian anote, kitci mackowisian kecpin e nakickaman arimisiwin, kaie ka ki pakitinaman ke mitciak, mirerimowin, caweritcikewin, nekatcitawin, akosiwin, nac nipowin. Mocak kaie kitci kicterimakik kaskina niwiticikanak tapickote e ici kicterimitan. Ni mikawerimawok weckate ka ki pe matisitcik. Ni mikawerimawok ke pe matisitcik.

Ki pakoserimitinan awacak otci kitci miro kiskinohomasotcik mekwate e matcekitcik kaskina ota ka tacikeiak, kitci kinokeiak mocak, irikik e asitci Nehirowisiak.

Teperitciketc, miricinan kiapatc kitci mackowisiak, miro iterimowinik kitci ici moteiak, sokerimowin mocak kitci otinamowiak. Kicteritcikewin mocak kitci miwitaiaik nititacikewinak acite kotakik Iriniskak. Ni wi wectanan wewerita kitci icinajok matisiwin.

Notcimiw Manito, kiapatc mocak kitci kicteritamak aski tapickote kokominowok kirika iskwewok wirawaw ka nitawikihawasotcik. Notenaminan kitci miroparik, kitci koski waskasinajok, mitowi tewehikan, nac aka kitci takok arimeritamowin, ka maratak kitci poniparik. Pe witcihicinan, kitci kicteritakositcik tanto e icinakositcik awesisak, pirecicak, namesak kirika mictikok. Notcimiw Manito, tapickote ki motanano.

Pe icitichamacinan nimocomananak ka ici wacterik ka taciketcik, kitci wactenamakoak ota notenaminak kaie kitci pe nta witcihiwetcik miro matisiwinik otci, nac mirowasiwinik kitci otitatak. Kitci aiamitowataman ni pe matisiwinan, tatwaw e pe wapak,

Kice Manito Omikiwamik.

Ekote.

